

Soromotu entre IPG-UNESCO- WSSM/KOICA Konaba Programa Diagnostiku kampu i resolve problema jestaun bee rai okos ih Timor Leste

Iha loron Kinta Feira, dia 11 Abril 2019 IPG liu hosi Divisaun Risiko Jeolojiko hala'o soromutu ho ekipa UNESCO ho mos ekipa hosi International Centre for Water Security and Sustainable Management (WSSM). Objetivu inkontru refere mak parte UNESCO ho WSSM hakarak hatene konaba estudu sa ida deit mak IPG liu hosi Divisaun Risiko Jeolojiko hala'o tiha ona, hala'o hela no sei hala'o iha tinan 2019 relasiona ho jestaun bee rai okos iha Timor Leste.

Iha soromutu ida ne'e Sr. Marçal Ximenes Oficiais Divisaun Risiko Jeolojiko nebe responsablija konaba estudu bee rai okos halo mos apresentasaun konaba projeitu estudu bee rai okos nebe hala tiha ona no projeitu estudu nebe mak halo hela iha tinan 2019 mak hanesan; iha tinan 2018 finalija estudu konaba qualidade bee rai okos nebe iha aquifero unconfenido/akiferu livre/akiferu parte leten (nudar akiferu ida nebe ni-nia nivel bee rai okos sai hanesan area fronteira parte leten husi zona saturada nian) iha sidade Dili, no agora dadauk (2019 – 2021) halo hela projeitu estudu konaba mapamentu akiferu, analisa rekarga be'e rai okos, analisa kimika be'e rai okos no konseptu jestaun bee rai okos iha sidade Dili. Iha Sr. Ximenes nia apresentasaun sita mos konaba limitasaun sira nebe mak IPG infrenta mak hanesan ekipamentu survey iha kampu no mos laboratorio.

Iha tinan 2019 Divisaun Risiko Jeolojiko-IPG sei halo mos estudu qualidade be'e rai okos nian iha area Municipio Suai.

